



Број/Број: 03/1-50-14-7-15/12
Сарајево/Сарајево, 6. 6. 2012. godine

PREDMET: Informacija o posjeti Parlamentu i Ministarstvu obrane Republike Austrije i Generalnom Tajništvu OSCE Beč, Austrija

Članovi Zajedničkog povjerenstva za odbranu i sigurnost BiH (ZP): Dušanka Majkić - predsjedavajuća, Borjana Krišto-prva zamjenica predsjedavajuće, Nermina Zaimović-Uzunović-članica ZK i Željko Grubešić – stručni savjetnik posjetili su 20. i 21. ožujka 2012. godine Parlament i Ministarstvo odbrane Repulike Austrije i Generalno Tajništvo OSCE u Beču, Austrija .

Posjeta je realizirana uz potporu Misije OSCE u BiH. Dušan Zoller, Sanja Čatibović i Anela Karić iz Odjela za sigurnosnu suradnju Misije OSCE boravili su sa članovima Povjerenstva u Beču.

20. mart 2012. godine

Članovi ZP imali su susret sa članovima Povjerenstva za odbranu i sigurnost Parlamenta Republike Austrije gdje su razgovarali sa Mariom Kunasekom-zamjenikom i Rainerom Vidmanom članom Povjerenstva.

Tokom susreta razmijenjena su mišljenja o brojnim pitanjima iz nadležnosti rada povjerenstava.

Posebno je razgovarano o problemima budžeta za odbranu, iskustvima u parlamentarnom nadzoru kao i aktivnostima u izradi sigurnosne politike. Tokom susreta posebno je izraženo zadovoljstvo bilateralnom saradnjom kao i aktivnošću Oružanih snaga Republike Austrije u Misiji EU ALTEA gdje je njihov doprinos ocijenjen izuzetno visokom ocjenom.

Delegacija Zajedničkog povjerenstva je posjetila i Ministarstvo obrane Republike Austrije. Tom prigodom je razgovarano o brojnim pitanjima.

Domaćini su predstavili sadašnji stupanj razvoja Oružanih snaga Austrije, proces izrade doktrinarnih dokumenata i učešća civilnog društva u tom procesu.

Razgovarano je i o stanju personala, strukturi Oružanih snaga i rješavanju problema viškova naoružanja i vojne opreme.

General Peter Resch, brigadir Josef Wimmer, pukovnik Erich Simburger i Dr. Rudolf Logothetti pomoćnik ministra, Alex-Bernd Jandeseck, desk časnik za JI Evropu su u svojim

prezentacijama govorili o aktivnostima oko promjene doktrine sigurnosti R Austrije, promjeni vojne strategije, raspravi o promjeni i dogradnji sigurnosne politike.

Posebno su istakli aktivnosti Vlade Austrije i uključivanju civilnog društva u izradu novih doktrinarnih dokumenata R Austrije.

Budžet za odbranu R Austrije će u periodu od 2013.-2016. godine biti manji za 600 miliona eura i ta činjenica obvezuje i MO i Generalštab OS R Austrije da se ozbiljno razgovara o perspektivi razvoja OS Austrije. Time žele identifikovati svoje obrambene sposobnosti jer angažirani su u puno vojnih i mirovnih misija i sa sadašnjim potencijalom teško odgovaraju svim dobivenim zahtjevima.

O sigurnosnoj strategiji se raspravlja po fazama i nude se varijante koje treba da racionaliziraju upotrebu postojećih kapaciteta. To zahtjeva pripremu nove strukture, definiranje novih izazova u kojoj do izražaja treba doći realna politika.

O nastavku profesionalizacije OS R Austrije raspravlja se i u Parlamentu i u Vladi R Austrije. Prijedlog odluke traži stavku priuštivosti i o tome su velike polemike gdje civilno društvo ima posebno mjesto.

Poseban blok prezentacija su predstavnici MO R Austrije pripremili o prodaji i uvozu naoružanja i vojne opreme, o legislativi koja prati taj cijeli proces te kontroli i transparentnosti procesa gdje je ustrojen jedinstven logistički sustav.

Predstavnici MO R Austrije nude pomoć MO i OS Bosne i Hercegovine. Tu nema nikakve rezerve i spremni su dodatno učiniti sve što im pružaju sadašnje mogućnosti da obuče naše stručnjake i da to što nauče vrlo efikasno provedu u praksu. Dodatna pogodnost je što su predstavnici OS R Austrije najbrojniji kontigent EU Misije Althea.

Članove Zajedničkog povjerenstva je tokom posjete Ministarstvu obrane Republike Austrije primio i general bojnik Bernard Bair, bivši zapovjednik EUFOR-a u Bosni i Hercegovini. U veoma srdačnom razgovoru razmijenjena su mišljenja o brojnim pitanjima.

Sastancima u Parlamentu i Ministarstvu obrane Republike Austrije prisustvovao je Neven Kulenović, predstavnik Veleposlanstva BiH u Austriji.

21. ožujak 2012. godine

Članovi Zajedničkog povjerenstva za odbranu i sigurnost posjetili su Generalno Tajništvo OSCE Beč.

Članovima ZP je dobrodošlicu uputio Nuno Luzio, desk časnik za JI Evropu.

Penny Satches Brohs, starija savjetnica za pitanja prekogranične saradnje je govorila operativnim aktivnostima, bilateralnoj i multilateralnoj saradnji u oblasti kojom se bavi. Posebno se osvrnula na problem ilegalnih migracija, obaveze graničnih povjerenstava, procesa osmišljavanja antikoruptivnih kampanja, zajedničkih obuka u upravljanju granicom

Članovi delegacije su posjetili Operativni centar i Centar za prevenciju konflikta Glavnog tajništva OSCE gdje su informirani o aktivnostima centra te su bili u mogućnosti da razgovaraju o relevantnim pitanjima vezanim za Bosnu i Hercegovinu i region u cjelini. Šef Centra Peter Winzenreid je upoznao članove ZP o zadacima i misiji Centra, sistemu ranog upozoravanja, podršci u rješavanju problema u kriznim područjima. Težište u radu Centra su praćenje političke i ekonomske situacije i stanja ljudskih prava u zemljama i regijama gdje se ocijeni da je moguće krizno žarište.

Reinhard Uhrig, Program Ko-ordinator, Odjel za protivterorističke aktivnosti je prezentirao aktivnosti Odjela. Posebno je prezentirao stanje po pitanjima radikalizacije terorističkih aktivnosti i izgradnji kapaciteta za borbu protiv terorizma. Prevencija po pitanju sigurnosti građana u saobraćaju, prenos energije, sigurnosti komunikacija, tzv. "Cyber security", transfer finansijskih sredstava, ekstremizmi su teme o kojima se posebno razgovaralo. Tokom razgovora sa članovima ZP su razmijenjena mišljenja o brojnim pitanjima te mogućnosti organiziranja regionalnih skupova i konferencija na kojima bi se o svim ovim pitanjima konkretnije razgovaralo.

Mathew Geertsen, Forum za sigurnosnu suradnju, Sekcija podrške govorio je o pitanjima ispunjavanja političko-vojnih obaveza svake zemlje članice OSCE. Posebno je bilo razgovora o ispunjavanju vojno-političkih obaveza BiH prema OSCE Kodeksu ponašanja. Dokument o o konvencionalnom naoružanju i municiji, redukciji zaliha zastarjelog streljiva i izgradnja sigurnosnih kapaciteta skladištenja su bila posebna tema razgovora. Razgovaralo se i o izgradnji novog koncepta mjera za jačanje međusobnog povjerenja.

Tokom razgovora u sjedištu OSCE Glavnog tajništva članovi ZP su razgovarali sa službenicima OSCE o temama koje su prezentirane. Razmijenjena su mišljenja, ukazano im je na problematiku i gdje se od njih očekuje veće angažovanje te im je sugerirano da je jako bitno da organizuju regionalne skupove na kojima bi se daleko više i sa konkretnijim podacima i činjenicama razgovaralo o tematici koju obuhvata OSCE Kodeks ponašanja u ispunjavanju vojno-političkih obaveza.

Članovi ZP su posjetili Veleposlanstvo Bosne i Hercegovine u Republici Austriji gdje su sa osobljem Veleposlanstva i Stalne Misije BiH pri UN i OSCE razgovarali o njihovom radu i aktivnostima.

Razgovaralo se i o aktivnostima službenika Veleposlanstva i Stalne Misije koje su tokom susreta predstavljali Tanja Milašinović-Martinović, veleposlanica, Momo Ševarika, šef Konzularnog odjela, Neven Kulenović, Darko Vidović iz Stalne Misije BiH pri UN i OSCE i brigadir Mihajlo Vujović- vojni ataše BiH u R Austriji.

**PREDSJEDATELJICA
ZAJEDNIČKOG POVJERENSTVA
Dušanka Majkić**

Dostavljeno:

- naslovu
- a/a